

尚

書

證

義

尚書證義

平湖周用錫述

禹貢

禹敷土。

鄭注敷布也。布治九州之水土。史記夏本紀禹與益后稷奉帝命命諸侯百姓興人徒以傅土。索隱云大戴禮作傅土。故此紀依之。周禮大司樂注亦作禹治水傅土。是傳與敷古通。

隨山刊木。

鄭注必隨州中之山而登之。除木為道。以望觀所當治者。則規其形而度其功焉。說文引夏書曰隨山刊木。讀若刊。云槎。識也。漢書地理志作栗。師古注。栗古刊字。說文以為篆文。

奠高山大川。

莫當讀為定周禮司市平肆展成莫賈鄭注莫
 讀為定瞽矇世奠繫杜子春亦讀定史記集解
 引伏生大傳云高山大川五岳四瀆之屬蓋所
 以表界使各州率民以趨事猶周禮云奠地守
 也

冀州既載壺口沿梁及岐。

鄭注兩河閒曰冀州不書其界者時帝都之使
 若廣大然小雅俶載南畝毛傳載事也既載當
 從蘇氏屬下壺口為句地理志禹貢壺口在河
 東北屈縣東南禹貢梁山在馮翊夏陽縣西北
 龍門山在北禹貢岐山在右扶風美陽縣西北
 壺口龍門兩山夾河而峙逾河而東為冀之壺
 口逾河而西為雍之龍門而龍門在北梁山在
 南言壺口不言龍門者壺口之治即龍門之治
 也水經注河水南逕北屈縣故城西有孟門山
 淮南子曰龍門未闢呂梁未鑿河出孟門之上
 大溢逆流無有丘陵高阜滅之名曰洪水大禹
 疏通謂之孟門孟門即龍門之上口也實為黃

河之巨阨此石經始禹鑿若墜復倚其中崩浪
縣流鼓石山騰迄于下口魏土地記曰梁山北
有龍門山大禹所鑿通孟津河口廣八十步巖
際鑿迹遺功尙存河水又南出龍門口汾水從
東來注之昔大禹導河積石疏決梁山謂斯處
也又南逕梁山原東蓋禹于壺口之西鑿孟門
而始事于壺口于梁山之北鑿龍門而終事于
梁山而西濬所云奕奕梁山維禹甸之是也而循
梁岐一役也其施功皆同時不可及岐山焉壺口
故并言於冀也

既修太原至于岳陽

鄭注於地理志太原今以爲郡名岳太岳在河
東故璣縣東名霍太山岳陽太岳之南水經注
汾水出太原汾陽縣北管涔山南流至永安縣
西又東與璣水合出東北太岳山禹貢所謂岳
陽卽霍太山矣是太原汾水之所出岳陽汾水
之所經修之者導汾也左傳子產曰臺駘能業

其官宣汾洮障大澤以處太原即此亦謂之大
 鹵春秋昭元年晉荀吳帥師敗狄于大鹵三傳
 皆作太原穀梁云中國曰太原夷狄曰大鹵又
 謂之大夏左傳遷實沈於大夏史記禹鑿龍門
 通大夏齊桓公西伐大夏是也又謂之夏虛左
 傳命唐叔以唐誥而封于夏虛是也又謂之晉
 陽春秋定十三年晉趙鞅入于晉陽以叛是也

覃懷底績至于衡漳

鄭注覃懷為縣名屬河內地志漳水出上黨
 沾縣大屯谷東北至安平阜城入河行千六百
 八十里衡漳者漳水橫流入河釋言底致也

厥土惟白壤

說文壤柔土也辨其色與性周禮大司徒所云
 辨十有二壤之物而知其種以教稼穡樹藝也

厥賦惟上上錯厥田惟中中

錯如海物惟錯之錯謂納總納銍納結粟米所賦非一種也鄭注地當陰陽之中能吐生萬物者曰土據人功作力競得而田之則謂之田纂言云田賦之等不同何也賦之九等以各州歲入總數較其多寡而為高下也數之最多者為上上田之九等以各州土地所宜較其肥瘠而為高下也地之最肥者為上上

恆衛既從。

地理志禹貢恆水出常山上曲陽西北恆山北谷東入滹水禹貢衛水出常山靈壽東北東入虜池又云滹水東至文安入大河滹沱東至參合別從河東至文安入海是從者二水從河入海也參合當作參尸志之誤也

大陸既作。

地理志禹貢大陸澤在鉅鹿縣北亦名鉅鹿澤呂氏春秋云趙有鉅鹿是也又名廣河澤爾雅

釋地晉有大陸孫炎云今鉅鹿縣廣河澤是也書說云河未入海則恆衛合而為瀾漫之勢大陸淪焉自河北流不壅恆衛皆順從大陸於是可耕作矣此二役當在堯九河既道之後故不與覃懷衡漳相屬而繫于田賦之下

島夷皮服。

島夷後漢書東夷傳所云三韓也馬鄭並作鳥夷史記漢書同說文海中有山可依止曰島讀若詩薦與女蘿是鳥即島省正義云孔讀鳥為島則唐初亦作鳥今本作島開元中衛包所改從隸也皮服獻其方物不言貢者不徵其常也

夾右碣石入于河。

說文夾持也地理志右北平郡驪成縣大揭石山在西南又遼西郡象縣有揭石水按圖索之驪成在右象縣在左曰右碣石者別乎象縣之揭石以名之猶漢志之別為大碣石也山海經

碣石之山繩水出焉西流注于河蓋浮海來者
持行右碣石之山由繩水以入于河碣石可達
河非河由碣石以入海也九州之末各載其通
道者天子之都必求其舟楫所可達使四海會
同且以紀治水之成功也

濟河惟兗州。

鄭注言兗州之界在此二水之間地理志序作
沛河惟兗州師古注沛本濟水之字說文濟水
出常山房子縣贊皇山東入沘又云沘水出河
東東垣王屋山東為沘又云沘沘也東入于海
地理志亦云濟水出贊皇至廩陶入沘沘水出
王屋至武德入河是濟沘二水音同地異後人
誤沘為濟而不知禹貢所紀皆沘也兗史記作
沘釋名沘州取沘水以為名沘兗古今文

九河既道。

史記河渠書禹道河至大邳禹以為河所從來
者高水湍悍難以行平地數為敗乃廝二渠以

引其河北載之高地過降水至大陸播為九河
 釋水徒駭太史馬頰覆釜胡蘇簡潔鈞盤鬲津
 皆禹所名也鄭注周時齊桓公塞之同為一河
 今河閒弓高以東至平原鬲津往往有其遺處
 焉漢書溝洫志成帝時河隄都尉許商上書曰
 古說九河之名有徒駭胡蘇鬲津今見在成平
 東光鬲界中自鬲以北至徒駭其閒相去二百
 餘里是知九河所在徒駭最北鬲津最南蓋徒
 駭是河之本道東出分為八枝也左傳不如小
 決使道杜注道東通也

雷夏既澤灘沮會同。

地理志禹貢雷澤在濟陰成陽縣西北水經注
 瓠子河故瀆自句陽縣西又東逕雷澤北澤在
 大成陽故城西北十餘里其陂東西二十餘里
 南北十五里即舜所漁也元和郡縣志灘沮二
 源俱出雷澤縣西北平地去縣十四里鄭注雍
 沮古雍與灘通也

桑土既蠶是降丘宅土

鄭注其地尤宜蠶桑因以名之今濮水之上地有桑閒者又云此州寡于山而夾川兩大流之閒遭洪水其民尤困水害既除于是下丘居士以其免于厄尤喜故記之

厥土黑墳厥草惟繇厥木惟條

馬注墳有肥膏也繇古蘇省說文蘇艸盛兒引夏書曰厥艸惟繇唐風遠條且毛傳條長也

厥田惟中下厥賦貞作十有三載乃同

師卦象傳貞正也孟子征之為言正也是貞轉訓為征也作字屬上為句如大陸既作之作堯當河之下流受害最深今水患雖平而沮洳未必盡去其賦但征其已耕作者餘寬之十三年地力復而人功興乃一律征之不言等者未成賦也

厥貢漆絲厥篚織文

八州之貢皆服食器用之物揚荆最多充雍最寡各因其地之所有而不徵其所無所謂任土作貢也鄭注貢者百工之府受而藏之其實于篚者入于女功故以貢篚別之說文漆木汁可

浮于濟潔達于河

地理志潔水出東郡東武陽東北至千乘入海過郡三行千二十里說文濕水出東郡東武陽入海張參五經文字云濕水今經典相承作潔而以濕為燥溼之溼漢干乘郡有濕沃縣濕水之所經故名而地理志誤為溼司馬彪魏收皆承其誤惟水經注作潔沃

海岱惟青州

鄭注青州界東自海西至岱東嶽曰岱山地理志岱山在泰山郡博縣西北

嶠夷既略

峒夷後漢書列傳以爲遼東樂浪三韓之地舜
典鄭注舜以青州越海而分齊爲營州是堯時
青州越海而有遼東也說文略經略土地也左
傳天子經略諸侯正封古之制也

濰淄其道。

地理志禹貢維水出琅邪箕縣北至都昌入海
淄水出泰山萊蕪縣原山東至博昌入沂說文
濰水出琅邪箕屋山道如九河既道之道

厥土白墳海濱廣斥。

周禮大司徒以周知地域廣輪之數鄭注東西
曰廣南北曰輪說文鹵鹹地也東方謂之斥西
方謂之鹵今登萊之地東西長八九百里三面
濱海皆可以煮鹽齊語云桓公通齊國之魚鹽
於東萊是也

厥田惟上下。厥賦中上。

厥貢鹽絺。海物惟錯。岱畎絲枲。鉛松怪石。

海物水族之可食者種類錯雜隨其所貢無定物也。孔傳畎谷也岱山之谷出此五物皆貢之。

萊夷作牧。

地理志師古注萊夷萊山之夷也。史記齊世家太公東就國萊夷來伐與之爭營丘。至春秋襄六年齊滅萊遷萊于郕。元和郡縣志故黃城在登州黃縣東南二十五里。古萊子國。說文牧養牛人也。作牧若史記秦非子事周孝王牧馬于汧渭之間也。左傳襄二年齊侯伐萊萊人賂夙沙衛以索馬牛皆百匹是其地宜牧也。

厥篚檿絲。

爾雅釋木檿桑山桑郭注柘屬也。檿絲是蠶食檿桑所得絲。韜中琴瑟弦也。史記作蠶蓋古文。

浮于汶達于濟。

地理志禹貢汝水出泰山萊蕪縣原山西南入
泗水經注同蓋與留水同出一山而異流也達
于濟則由潔以入河可知其東北境徑浮濟不
必從汝也

海岱及淮惟徐州。

鄭注徐州界又南至淮水

淮沂其乂。

地理志禹貢桐柏大復山在南陽平氏縣東南
淮水所出東南至淮陵入海過郡四行三千二
百四十里沂水出泰山蓋縣臨樂山南至下邳
入泗過郡五行六百里水經以爲出蓋縣艾山
釋詁乂治也

蒙羽其藝。

地理志蒙山在泰山蒙陰縣西南羽山在東海
祝其縣南藝孟子云樹藝五穀也

大野既豬

地理志大野澤在山陽鉅野縣北水經注鉅野湖澤廣大南通洙泗北連清濟元和郡縣志大野澤澤南北三百里東西百餘里左傳哀十四年西狩于大野獲麟卽此豬史記作都水經注水澤所聚謂之都亦曰豬是文異義同也

東原底平

鄭注東原地名今東平郡卽東原地理志東平故梁國景帝六年別爲沛東國左傳僖元年公賜季友汝陽之田亦卽此蓋在沛之東汝之陽汝沛之所經也釋詁平成也謂濬賦滄距汝其地致成

厥土赤埴墳草木漸包

釋名土黃而細密曰埴埴膩也黏昵如脂之膩也釋文鄭作載讀曰熾或作埴晉成公綏傳天

地賦云海岱赤嶽華梁青黎嶽釋文漸包或作
蕪苞說文蕪艸相蕪苞也引夏書曰艸木蕪苞
釋言苞稹也孫炎云物叢生曰苞齊人名曰稹

厥田惟上中。厥賦中中。

厥貢惟土五色。羽畎夏翟。嶧陽孤桐。泗濱浮磬。

韓詩外傳天子社廣五丈東方青南方赤西方
白北方黑上冒以黃土將封諸侯各取其方色
土苴以白茅以為社明有土謹敬絜清也漢書
郊祀志今徐州牧歲貢五色土各一斗寰宇記
徐州歲貢五色土各一斗出彭城縣北三十五
里之赭土山夏讀若櫛周禮染人秋染夏鄭注
染夏者染五色是夏翟卽爾雅釋鳥云五采皆
備成章地理志東海下邳縣葛嶧山在西古文
以為嶧陽水經注泗水歷下邳縣逕葛嶧山風
俗通梧桐出嶧陽山采東南孫枝為琴聲甚清
雅伏滔北征記曰今槃根往往而存地理志泗
水出沂陰乘氏縣東南至臨淮睢陵縣入淮行

千一百一十里水經注泗水自彭城又東南過呂縣南水上有石梁焉故曰呂梁晉太康地記水出磬石書所謂泗濱浮磬者也括地志泗水至彭城呂梁出磬石今徐州東南六十里有呂梁洪

淮夷蠙珠暨魚。

鄭注蠙珠珠名淮水之上夷民獻此蠙珠與魚也釋文蠙又作玼說文玼珠也淮水中出玼珠玼珠之有聲宋宏說重文作蠙

厥篚玄纁縞。

說文纁細也縞鮮色地理志師古注纁細縞也縞鮮支也即今所謂素

浮于淮泗達于河。

河當作荷說文荷荷澤水在山陽胡陵引夏書曰浮于淮泗達于荷从水苛聲史記漢書並誤

作河水經云泗水從淮陰入淮此卽禹貢浮淮
達泗之道云荷水從胡陵入泗此卽禹貢浮泗
達荷之道也青州書達于濟則達河可知徐州
書達于荷則達濟可知

淮海惟揚州。

鄭注揚州界自淮而南至海以東

彭蠡既豬。陽鳥攸居。

地理志禹貢彭蠡澤在豫章彭蠡縣西亦名鄱
陽湖以中有鄱陽山而名周迴四百五十里所
受有九水劉歆云湖漢等九水入彭蠡是也或
曰十川水經注云贛水總納十川注于彭蠡是
也呂氏春秋禹爲彭蠡之障乾東土謂斯役也
鄭注陽鳥謂鴻雁之屬隨陽氣南北釋言攸所
也彭蠡既豬之後陂生蘆葦陽鳥之來不漸于
陸而止于澤無逼人之患故誌之

三江既入。

越語申胥曰夫吳之與越三江環之韋昭注三江松江浙江浦陽江也又范蠡曰與我爭三江五湖之利者非吳邪吳越春秋范蠡去越出三江之口是三江在吳越之間與荆無涉也蓋揚西偏之水莫大於彭蠡東偏之水莫大于三江與震澤故舉彭蠡震澤三江而已無餘事入謂入海也松江即震澤之委由吳淞口入海浙江發源新都縣互大末間至錢塘入海浦陽江鍾于鳥傷環經諸暨由餘姚入海凡治澤宜障故彭蠡書既豬治川宜宣故三江書既入

震澤底定

地理志會稽吳縣故周泰伯所封國也具區在西古文以為震澤亦名笠澤國語越伐吳吳禦之笠澤水經注笠澤在吳南松江左右是也釋言底致也釋詁定止也言致其止眾水

篠簜既敷厥草惟夭厥木惟喬厥土惟塗泥

爾雅釋草篠箭簜竹說文篠箭屬小竹也簜大竹也篠古文篠敷與華通古音華讀敷釋草華

榮也。馬注：天長也。釋木：上句曰喬，又小枝上繚為喬。馬注：塗泥漸洳也。

厥田惟下下。厥賦下上上錯。

地理志作賦下上錯，則重文為衍。

厥貢惟金三品。璫琨篠簜。齒革羽毛惟木。

史記平準書：虞夏之幣，金為三品，或黃或白或赤。漢書食貨志：古者金有三等，黃金為上，白金為中，赤金為下。孟康注：赤金，今丹陽銅也。鹽鐵論丹章有金銅之山。說文：璫，玉之美者。琨，石之美者。漢書：琨作瓊，音義同。篠，簜。釋地云：東南之美者，有會稽之竹箭焉。

島夷卉服。

島夷，地理志云：會稽海外有東鯤人，分為二十餘國，皆以歲時來獻。見是也。卉服，亦獻其方物。

厥篚織貝。厥包橘柚錫貢。

詩書登義 卷三 十 友光齋本

鄭注具錦名詩云萋兮斐兮成是貝錦凡為織者先染其絲乃織之則成文矣禮記曰士不衣織地理志師古注橘柚皆不耐寒故包裹而致之錫貢者須錫命而獻之言不常來也

沿于江海達于淮泗

說文沿緣水而下也引春秋傳王沿夏史記漢書皆作均裴駟集解引鄭注亦作均讀曰沿揚之水道在北者可徑達淮泗在南者邗溝未開無道入淮必沿江海以達淮泗也

荆及衡陽惟荊州

鄭注荊州界自荆山南至衡山之南地理志禹貢南條荆山在南郡臨沮縣東北衡山在長沙國湘南縣東南

江漢朝宗于海

鄭注江水漢水其流湍疾又合為一共赴海也猶諸侯之同心尊天子而朝事之水經江水東

逕廣谿峽注云三峽之首自昔禹鑿以通江郭景純所謂巴東之峽夏后疏鑿者又江水東逕西陵峽歷禹斷江注云南峽北有北谷村兩山間有水清深潭而不流耆舊傳言昔是大江及禹治水此江小不足瀉水禹更開今峽口水勢并衝此江遂絕謂之斷江今夷陵州西南有斷江山是其遺跡蓋江之有三峽猶河之有龍門也禹治冀之河白龍門始則治荆之江亦必自三峽始

九江孔殷

水經九江在長沙下雋縣西北楚地記巴陵瀟湘之淵在九江之間巴陵本漢下雋縣地亦謂之洞庭湖山海經洞庭之山在九江之間蓋因山而異其名也釋言孔甚也殷中也謂不漲不涸孟子云水由地中行是也

沱潛既道

爾雅釋水水自江出為沱漢出為潛地理志南
 郡枝江縣江沱出西東入江寰宇記江自枝江
 縣百里洲首派別南為外江北為內江承天府
 志漢水自鍾祥縣北三十里分流為蘆伏河經
 潛江縣東南復入于漢即古潛水也寰宇記亦
 謂之白淤宋乾德三年升為潛江縣蓋必漢水
 伏流從平地涌出故謂之潛又謂之蘆伏白淤
 也道如九河既道之道潛史記作涿漢書作潛
 潛涿潛古通周頌潛有多魚韓詩作潛

雲土夢作又。

雲土夢史記漢書竝作雲夢土唐初梅賾本亦
 與史漢同今孔傳可釋而知也夢溪筆談云石
 經作雲夢土作又釋地楚有雲夢地理志南郡華容
 雲土夢作又釋地楚有雲夢地理志南郡華容
 縣雲夢澤在南荆州藪土當讀如杜古文省幽
 風徹彼桑土韓詩作杜大雅自土沮漆齊詩亦
 作杜是古多讀土為杜也地理志江夏郡有雲
 杜縣水經沔水又東南過江夏雲杜縣東注云

不入孟豬定陶在睢陽之北距孟豬百四十里
二澤本相通導之以被于南蓋治陶丘復出之
濟也闕駟十三州記曰不言入而言被者明不
常入也荷史記漢書竝誤作荷孟豬左傳爾雅
皆作孟諸諸豬音同漢書作盟豬史記作明都
周禮又作望諸聲音轉字異實一地也

厥土惟壤下土墳壚
說文壤柔土也壚黑剛土也蓋高下異性

厥田惟中上厥賦錯上中

先言錯者其錯異于冀也

厥貢漆臬絺紵厥篚織纊錫貢磬錯

周禮職方豫州其利漆臬陸璣草木疏紵亦麻
也科生數十莖宿根在地中至春自生不歲種
也荆揚之間一歲三收今南越紵布皆用此麻
說文纊絮也春秋傳曰皆如挾纊或作紵小爾

雅曰。續絮之細者。史記作織絮。地理志師古注。錯治玉之石。磬錯。可以治磬者也。

浮于洛。達于河。

禹時未有鴻溝。豫東之水不通河。其西境則浮于洛。而後至河也。

華陽黑水惟梁州。

鄭注。梁州之界自華山之南。至于黑水也。地理志。京兆華陰縣。太華山在南。九域志。華山。四州之際。東北華陰縣。東南豫西南。梁西北。雍十字分之。四隅為四州。山海經。南海之內。黑水之閒。若水出焉。水經注。若水出蜀郡旄牛縣。徼外。東至犍為。朱提縣。西為瀘江水。自朱提至犍道。入江。瀘本盧字。水經。盧奴縣。注云。水黑。曰。盧不流。曰。奴。是黑水。即瀘水也。地理志。滇池有黑水祠。今瀘水。西連若水。南界滇池。東逕朱提。犍道。正屬梁州界。與雍州之黑水名同而異。

岷嶓既藝。

地理志岷山在蜀郡湔氐道西徼外江水所出
蟠冢山在隴西西縣西漢所出

沱潛既道

梁之沱潛與荆同名者凡江漢別出皆得名沱
潛也地理志蜀郡郫縣禹貢江沱在西東入大
江郭璞爾雅音義云沱水自蜀郡都安縣湔山
與江別而東流水經注縣雒二水與湔水合亦
謂之郫江郫江者沱水也郭又云有水從漢沔
陽縣南流至梓潼漢壽入大穴中通峒山下西
南潛出一名沔水舊俗云卽禹貢潛也括地志
潛水一名復水今名龍門水源出縣東龍
門大石穴下元和郡縣志龍門山在利州縣谷
縣東北八十二里潛水所出

蔡蒙旅平

蔡山班志酈注竝闕孔穎達司馬貞皆言不知
所在地理志蜀郡青衣縣禹貢蒙山谿大渡水
東南至南安入湔元和郡縣志蒙山在雅州嚴
道縣南十里今每歲貢茶爲蜀之最寰宇記始

陽山本名蒙山唐天寶六年勅改高八十里東道控川歷嚴道縣橫互入邛州火井縣界論語季氏旅於泰山馬融注旅祭名釋詁平成也旅平告祭成功也

和夷底績。

鄭注和夷和上夷所居之地也和讀曰桓漢書如淳注陳宋之俗桓聲如和故桓表謂之和表地理志禹貢桓水出蜀郡蜀山西南行羌中入南海晉地道記梁州之地自桓水以南為夷書所謂和夷底績也

厥土青黎。

馬注黎小疏也青其色黎其性

厥田惟下上厥賦下中三錯。

所賦之種錯雜有三

釋地廣平曰原下溼曰隰地理志武威縣東北有休屠澤古文以為豬埜澤釋詁績成也言荆岐以西之平原下隰皆致其成逾河極于休屠澤小雅所云信彼南山維禹甸之昫昫原隰會孫田之也

三危既宅三苗不敘。

水經注二十一卷引山海經云三危在燉煌南與岷山相接山南帶黑水四十卷又引山海經云三危之山三青鳥居之廣圓百里在鳥鼠山西括地志三危在沙州燉煌縣東南四十里山有三峰故名亦名卑羽山釋言宅居也三苗舜賓四門時所竄者也至是禹雍州治水畢乃秩敘之

厥土惟黃壤。

厥田惟上上。厥賦中下。

厥貢惟球琳琅玕。

球史記作璆說文球或从璆釋器璆琳玉也說文琅玕似珠者釋地西北之美者有崑崙虛之璆琳琅玕焉

浮于積石。至于龍門。西河會于渭汭。

地理志積石山在金城河關縣西南羌中河水行塞外東北入塞內晉永嘉後其地為吐谷渾所據唐龍朔初吐蕃滅吐谷渾積石遂為吐蕃地地理志龍門山在左馮翊夏陽縣北呂氏春秋云龍門大禹所鑿下有禹門渡說文汭水相入也前渭汭在陽陵縣涇入渭之汭也此渭汭在華陰縣渭入河之汭也會于渭汭謂出渭之舟逆流而上與浮河之舟相會于渭水之北林氏謂此州達于帝都有二道是也蓋其西北境則浮積石至于西河其西南境則會于渭汭

織皮。崑崙析支渠搜。西戎即紂。

蘇氏云簡編脫誤其文當在浮于積石之上是也織皮當屬上球琳琅玕蓋亦貢物也與梁州同地理志金城郡臨羌縣西北有西王母石室西有弱水崑崙山祠崔鴻十六國春秋云張駿時酒泉太守馬岌上言酒泉南山即崑崙之體周穆王見西王母樂而忘歸謂此山也禹貢崑崙在臨羌之西即此明矣括地志崑崙在酒泉縣西南八十里後漢書西羌傳羌地濱于賜支至乎河首縣地千里賜支者禹貢所謂析支也水經注引司馬彪曰西羌者自析支以西濱于河首在右居也河水屈而東北流逕于析支之地是為河曲矣應劭曰禹貢析支屬雍州在河關之西東去河關千餘里羌人所居謂之河曲羌漢書武帝紀北發渠搜應劭注禹貢渠搜屬雍州在金城河關之西戎也逸周書王會解渠搜以鼪犬涼土異物志古渠搜國在大宛北界玉篇即就也即敍益稷所云咸建五長也

導岍及岐至于荆山逾于河

此下至導洛入河禹歷敘九州所經尋山之首
 尾脈絡水之源流會入而紀之以告成于帝其
 閒滌澗谷之源濬畎澮之水皆因其勢以利導
 非于敷土時先導之亦非于治水後復導之也
 鄭注導岍山為正陰列西傾為次陰列嶓冢為次
 陽列岍山為正陽列岍山在右扶風書竝作洧說文
 有洧無岍地地理志吳嶽在右扶風山鎮曰嶽山
 以為洧山亦謂之嶽山周禮雍州山鎮曰嶽山
 爾雅河西山嶽是也地理志岐山在美陽縣西北
 中水鄉周太王所邑山之南周原在焉東西橫
 互肥美寬平詩所稱周原膴膴者也水經注岐
 水涇周城南城在岐山之陽而近西所謂居岐
 之陽也水北即岐山矣又水經注渭水之北沙
 苑之南即襄德縣故城禹貢北條荆山在南山
 下有荆渠即夏后鑄鼎處也荆山之麓直抵河
 孺故曰逾于河孔傳三山皆在雍州河謂龍門
 西河

壺口雷首至于太岳

壺口詳冀州地理志雷首在河東蒲反縣南水
經注雷首山臨大河北去蒲坂三十里俗亦謂
之堯山也一名首陽山論語伯夷叔齊餓於首
陽之下馬融注首陽在蒲坂河曲之中寰宇記
云首陽卽雷首之南阜也或稱首山地理志蒲
反有首山祠郊祀志黃帝采首山銅卽此一名
陟山書序湯伐桀升自陟卽此也括地志此山
西起雷首東至吳坂長數百里隨地異名水經
注太岳山禹貢所謂岳陽卽霍太山地理志霍
太山在河東彘縣東亦名霍山周禮冀州山鎮
曰霍山是也亦名景霍晉語景霍以爲城韋昭
注今在河東彘是也孔傳三山皆在冀州

底柱析城至于王屋

水經注底柱在虢城東北大陽城東元和郡縣
志底柱山在硤石縣東北五十里黃河中地理
志析城在河東濩澤縣西南水經注析城山甚
高峻上平坦下有二泉東濁西清左右不生草
木數十步外多生細竹寰宇記山頂有湯王池
俗傳湯旱祈雨處地理志王屋在河東垣縣東

北元和郡縣志王屋山周百三十里高三十里
通志云形如王者車蓋故名其絕頂曰天壇蓋
濟水發源之處孔傳此三山在冀州南河之北

太行恆山至于碣石入于海

地理志太行山在河內陘王縣西北又云東太
行山在山陽西北蓋支峰也括地志太行南屬
懷州北屬澤州其山延袤千里互絕東西上有
羊腸坂蔡澤所云決羊腸之險塞太行之道也
元和郡縣志太行陘在懷州北濶三步長四十
里羊腸所經瀑布懸流實為險隘一名五行山
淮南子武王欲築宮于五行之山高誘注太行
山也周禮職方正北曰并州其山鎮曰恆山地
理志恆山在常山曲陽西北有祠管子恆山
北臨代南俯趙地理志右北平郡驪成縣大揭
石山在縣西南又遼西郡繁縣有揭石水南入
官不言有山水經十四卷濡水注云濡水自樂
安亭南與新河故瀆合又東南至繁縣碣石山
是碣石山有二驪成之大揭石正別乎繁縣之

碣石以名之文穎注武帝紀曰碣石在遼西
縣秦縣今罷入臨渝此石著海旁續漢志遼西
郡臨渝縣劉昭注曰碣石山在縣南晉省臨渝
入肥如故後魏地形志曰肥如縣有碣石山隋
唐省肥如入新昌尋又改新昌曰盧龍故隋志
曰盧龍縣有碣石山括地志曰碣石在盧龍縣
南二十三里通典曰平州盧龍縣有碣石山自
後漢至隋唐曰秦縣曰臨渝曰肥如曰盧龍縣
名四變而山則一史記秦始皇三十二年春東行郡
石求羨門高誓刻碣石門二世元年春東行郡
縣李斯從到碣石漢書武帝元封元年春東巡海
上至碣石建安十二年曹操征烏桓過碣石作
詩曰東臨碣石以觀滄海皆卽此漢書天文志
中國山川東北流其維首在隴蜀尾沒于勃海
碣石水經注秦縣今枕海有石如甬道數十里
當山頂有巨石如柱形世名之天橋柱也韋昭
亦指爲碣石濡水于此南入海

西傾朱圉鳥鼠至于太華。

西傾詳梁州地理志禹貢朱圉山在天水郡冀
 縣南梧中聚師古注圖讀與圉同通典朱圉山
 俗名白岩山元和郡縣志朱圉山在伏羌縣西
 南六十里渭水經縣北去縣一里鳥鼠詳雍州
 山海經太華之山削成而四方其高五千仞其
 廣十里郭緣生述征記華山從麓至頂升降紆
 迴凡三十三里寰宇記華岳有三峰直上數千
 仞基高而峰峻疊秀迄于嶺表三峰者芙蓉明
 星玉女也少華山在華州南十里東去太華八
 十里峰勢相連視華山差小故曰少華西京賦
 云綴以二華謂太華少華也

熊耳外方桐柏至于陪尾。

地理志熊耳山在宏農盧氏縣東括地志熊耳
 山在商州上洛縣西十里蓋此山自上洛以至
 盧氏縣互二百餘里志家各就所在言之也史
 記封禪書齊桓公南伐至于召陵登熊山即此
 地理志潁川密高縣武帝置以密高為外方也
 中岳有太室少室山廟古文以密高為外方也

導嶓冢至于荆山

桐柏詳徐州地理志橫尾山在江夏安陸縣東北古文以為陪尾元和郡縣志陪尾一名橫山在縣北六十里史記作負尾漢書又作倍尾古音讀負如倍多互通明堂位負斧戣史記魯世家作周公南面倍依漢書宣帝紀行幸負陽宮李斐注負音倍孔傳四山相連東南在豫州界

內方至于大別

地理志禹貢嶓冢山在隴西西縣西漢所出禹貢南條荆山在南郡臨沮縣東北漳水所出淮南子沮出荆山蓋二水同出一山也左傳昭四年司馬侯曰荆山九州之險十二年右尹子革曰昔我先王熊繹辟在荆山即此元和郡縣志荆山三面險絕惟東南一隅纔通人徑

也地理志禹貢大別山在六安國安豐縣西南
續漢志水經同

岷山之陽至于衡山。

地理志岷山在湔氐道西徼外江水所出括地
志岷山在岷州溢樂縣南連緜至蜀幾二千里
皆名岷山史記作汶山也爾雅釋山江南衡水經
七有瀆山蜀之汶山也爾雅釋山江南衡水經
注湘水北逕衡山縣東山在西南山經謂之岫
嶺山為南嶽也東南南二面臨映湘川自長沙至
此七百里中有九向九背

過九江至于敷淺原。

九江詳荊州地理志豫章歷陵縣傳易山傳易
川在南古文以為傳淺原師古注傳讀曰敷易
古陽字導水云過九江至于敷淺原者紀山之脈
派也導山云過九江至于敷淺原者紀山之脈
絡也

導弱水至于合黎餘波入于流沙

弱水詳雍州水經合離山在酒泉會水縣東北
鄯注合黎山也隋志張掖縣有合黎山元和郡
縣志合黎山俗名要塗山在張掖縣西北二百
里地理志居延澤在張掖居延縣東北古文以
為流沙水經注流沙形如月生五日弱水入流
沙流沙與水流行也蓋正流自剛丹西流至酒
泉合黎其餘波自合黎山峽口折而北流至居
延流沙故經特別言之也

導黑水至于三危入于南海

地理志張掖酒泉燉煌郡下皆無黑水文惟山
海南山經云灌湘之山又東五百里曰雞山黑
水出焉南流注于海雞山不知在何郡郭璞闕
而不注正義引水經云黑水出張掖雞山南流
至燉煌過三危山南流入于南海師古漢書注
竝引此今水經無此文蓋其書有散逸耳括地
志黑水源出伊州伊吾縣北百二十里南流絕
三危山在沙州燉煌縣東南四十里二說未知

就是通典云孔鄭通儒莫知其所或是年代久遠遂至煙涸無以詳焉

導河積石至于龍門南至于華陰

漢書西域傳河有兩原一出葱嶺山一出于闐
 于闐在南山下其河北流與葱嶺河合東注蒲
 昌海蒲昌海一名鹽澤者也去玉門陽關三百
 餘里廣袤三百里其水亭居冬夏不增減皆以
 為潛行地下南出于積石山為中國河云地理志
 金城郡河關縣積石山在西南羌中河水行塞
 外東北入塞內張守節曰河自鹽澤潛行入吐
 谷潭界大積石山又東北流至小積石山括地
 志大積石山在吐谷潭界小積石山在枹罕縣
 西北元和郡縣志積石山在龍支縣西北九十八
 里南與河州枹罕縣分界山在州西北七十里
 積石關則又在西北百二十里所謂兩山如削
 河流經其中也水經注亦謂之唐述山龍門詳
 雍州地理志京兆華陰縣太華山在南水經注
 河水出龍門口汾水從東來注之南流至華陰
 潼關渭水從西來注之

東至于底柱。

水經注：河水又東過砥柱，閒砥柱山名也。昔禹治洪水，山陵當水者鑿之，故破山以通河。三穿既決，水流疏分，指狀表目，亦謂之三門矣。山在魏城東北，大陽城東也。河之右則穀水注之，又東千嶠之水注焉。自砥柱以下，五戶以上，其閒一百二十里，河水練石，築出勢連，襄陸蓋亦禹鑿以通河。砥底文異音同。

又東至于孟津。

正義：杜預云：孟津，河內河陽縣南孟津也。在洛陽城北，都道所湊，古今常以為津。武王渡之，近世以來，呼為武濟。史記漢書並作盟津。水經注：河水東逕平縣故城北。河南有鈞陳壘，世傳武王伐紂，八百諸侯所會處。河水至斯，有盟津之目。

東過洛汭，至于大伾。

左傳昭元年館于維杜注維在河南鞏縣
 南水曲流為洛水經注洛水即什谷張儀說秦
 云下兵三川塞什谷之口是也釋山一成任釋
 文或作峽鄭注大峽在修武武德之界張揖云
 成臯縣山也漢書臣瓚注以為修武武德無此
 山成臯縣山又不一成今黎陽縣山臨河豈不
 是大峽乎隋志黎陽縣有大任山括地志大任
 山今名黎陽東山又名青壇山山在衛州黎陽
 縣南七里

北過降水至于大陸。

地理志上黨屯留縣桑欽言絳水出西南水經
 注絳水西出穀遠縣東發鳩之谷為濫水東逕
 屯留縣故城南東北流入于漳絳降文異音同
 史記河渠書禹道河至于大任以為河所從來
 者高水端悍難以行平地數為敗乃厥二渠以
 引其河北載之高地過降水至于大陸二渠其
 一為渠川自黎陽大任山南東北流至于乘入
 海其一則河之經流自大任山西南折而北為

宿胥口又東北逕鄴縣東至列人斥章縣界合漳水是為北過降水大陸詳冀州溝洫志王橫曰禹之行河水本隨西山下東北去周譜云定王五年河徙則今所行非禹之所穿宜更開空使緣西山足乘高地而東北入海即此道也水經所敘漳水自平恩以下皆禹河之故道河自斥漳又東北逕平恩曲周以至鉅鹿其西畔為大陸也

又北播為九河。

鄭注播散也溝洫志許商以為古說九河之名有徒駭胡蘇鬲津今見在成平東光鬲界中自鬲以北至徒駭其間相去二百餘里今河雖數移徙不離此域師古注此九河之三也徒駭在成平胡蘇在東光鬲津在鬲然則太史馬頰覆鬲三河當在成平之南東光之北簡絜鈎盤三河當在東光之南鬲縣之北

同為逆河入于海。

鄭注同合也。下尾合名曰逆河。言相向逆受也。河渠書溝洫志皆作同為逆河。入于勃海。地理志勃海郡莽曰迎河。又南皮縣曰迎河。亭是逆河。在勃海郡郡治浮陽。即今滄州。又地理志于金城郡言河至章武入海。于魏郡館陶縣言河水別出為屯氏河。東北至章武入海。章武即屬勃海郡。北距碣石五百餘里。遠在碣石之南。水經注乃云河之入海舊在碣石。今川流可導。非禹瀆。漢書注臣瓚亦云禹河入海。乃在碣石。元光三年。河徙從東郡。更注勃海。然經於導山。言至于碣石。而不於導河。言之於冀州。言夾右碣石入于河。而不言河入于碣石。則河之入海不在碣石。明矣。

嶓冢導漾。東流為漢。

漾。史記夏本紀及集解引鄭注。作漾。漢書省作養。續志同。說文。漾。古文漾。是養漾。古今文也。地理志。隴西。西縣。禹貢。嶓冢山。西。漢所出。隴西。氏道。養水所出。至武都。為漢。而不言出何山。水經

云漾水出氏道縣嶓冢山華陽國志東源出武
都氏道縣漾山為漾水水經注云東西兩源俱
出嶓冢而同為漢水蓋一山跨二縣之境在西
縣者為西漢源在氏道者為東漢源亦名漾山
因水而異其名也地理志武都郡武都縣東漢
水受氏道水一名洶過江夏謂之夏水說文洶
水出武都沮縣東狼谷東南入江續志水經竝
同然則武都以下江夏以上漾水東合沮縣之
洶水而為漢也

又東為滄浪之水

鄭注滄浪之水今謂之夏水水經注引劉澂之
永初山川記云夏水古文以為滄浪鮫父所歌
也地理志南郡華容縣夏水首受江東入海行
五百里水經夏水篇云夏水出江流于江陵縣
東南又東過華容縣南又東至江夏雲杜縣入
于海然則夏是江之別派從江之北岸分江至
江夏合上流武都之洶水而名別為滄浪之水
故繫之漢也

過三澁。至于大別南入于江。

鄭注三澁水名在江夏竟陵縣界。史記索隱曰：今竟陵有三參水，俗云是三澁水。水經注引地說曰：漢水東行過三澁，合流觸大別之陂。南與江合。

東滙澤為彭蠡，東為北江，入于海。

鄭注滙，回也。漢與江鬪轉，東成其澤矣。廣聽錄云：漢在北而南來入江，因名為北江。吳氏云：漢既入江，與江混為一水，而又曰東為北江，入于海。有似別為一水，然何也？蓋漢水源遠流大，可亞于荆、州兩相匹配，與他小水入大水之例不同。故于荆州言朝宗于海，必以江漢竝稱。蓋曰江之入海，非獨江水實兼漢水。江固為江，漢亦為江也。故漢得分江之名，而為北江。記其入海者著其為瀆也。三瀆皆自為一瀆，惟江與漢共為一瀆，故于漢于江竝言入海。

岷山導江，東別為沱。

華陽國志岷山一名沃焦山其附曰羊膊江水所出益州記羊膊嶺水分二派一東南流為大江一西南流為大渡河林氏曰自江水溢出別為支派者皆名為沱梁荆二州皆有之也

又東至于澧過九江至于東陵

馬注澧水名地理志武陵郡沅縣歷山澧水所出東至下雋入沅九江即洞庭湖詳荊州水經注江水東至長沙下雋縣北澧水沅水資水合東流注于洞庭之陵東陵亦名巴陵水經注巴陵故城西對長州元和郡縣志巴陵城對三江口岷江為西江澧江為中江湘江為南江又名巴丘山水經注湘水北至巴丘山入江是也

東迤北會于滙東為中江入于海

說文迤衰行也即引夏書以證江自九江東陵而東大勢衰行向北及至彭蠡入江處則南會于滙彭蠡在江之南北字當屬上讀絕為句也胡氏云漢自大別以至彭蠡大勢皆東江自沙

羨以至彭蠡則東且迤北經先漢後江東滙為
 彭蠡者漢也而江水亦至其處故曰東迤北會
 于滙言與漢所滙之彭蠡會也邵氏云江水濬
 發最在上流其次則漢自北入其次則彭蠡自
 南入三江竝持而東則江為中江漢為北江彭
 蠡所入為南江可知已非判然異派之謂也地
 理志蒯氏道下云江水東南至江都入海此以
 北岸言之也會稽郡下云北江在毗陵縣北東
 入海則以南岸言之也

導沈水東流為濟入于河溢為滎

地理志禹貢王屋山在河東垣縣東北沈水所
 出東南至武德入河軼出滎陽北地中水經注
 引晉地道志云沛自大伾入河與水關南洪
 為滎澤蓋水各有性沛性獨勁故能與濁河竝
 流不為所亂仍橫截而南也軼洪竝與溢通水
 經河水篇云又東過成臯縣北沛水從北來注
 之鄴注成臯大伾山在河內脩武武德之界濟
 沈之水與滎播澤出入自此即經所謂濟水從

北來注之者今濟水自溫縣入河不于此也所
入者奉溝水耳即濟沆之故瀆矣

東出于陶丘北又東至于荷

釋丘再成爲陶丘地理志沚陰郡定陶縣禹貢
陶丘在西南陶丘亭禹貢荷澤在定陶東胡氏
云荷澤在陶丘之東北相去不遠濟水伏流至
陶丘北上奮馳波跳沫東北匯于荷澤又東北
絕鉅野至琅槐入海者爲濟瀆其一枝東南流
至湖陵入泗者後人目之曰荷水說文荷荷澤
水在山陽湖陵引夏書曰浮于淮泗達于荷此
謂澤之下流入泗者也

又東北會于汶又北東入于海

水經沚水東至蔡氏縣西分爲二其一水東南
流其一水從縣東北流入鉅野澤又東北過壽
張縣西界安民亭南汶水從東來注之地志
沚水至琅槐入海過郡九行千八百四十里
導淮自桐柏東會于泗沂東入于海

地理志南陽郡平氏縣禹貢桐柏大復山在東

南淮水所出經淮水出南陽平氏縣大復山

東北過桐柏山地志言桐柏又言大復水經言

胎簪又言桐柏說皆與禹貢似異其實皆合也

風俗通曰南陽平氏縣桐柏大復山在東南淮

水所出潛流地復陽縣在許里東出大復山在

之陽口水南即復陽縣在大復山之陽故曰復

陽風俗通言上源略胎簪不數而漢志則竟以

下源大復言之惟水經則溯其原而系以胎簪

胎簪寰宇記謂在桐柏縣西北三十里而漢平

氏故城在今河南南陽府桐柏縣西北四十里

大復在平氏故城東南陽故城又在桐柏縣

東蓋胎簪最在西大復最在東漢志言出桐柏

大復山者出桐柏之大復山也此以其出陽口

而成流者言之水經言出胎簪則指最西一峯

以其始源潛伏而未成流者言之桐柏乃總名

耳地理志沂水出泰山蓋縣南至下邳入泗泗

水出濟陰乘氏縣東南至睢陵入淮是沂先入

泗泗乃入淮乘氏縣東南至睢陵入淮是沂先入

水至臨淮淮浦縣入海者文從畧也地理志淮

導渭自鳥鼠同穴東會于澧又東會于涇又東過漆沮入于河。

水經渭水出隴西首陽縣渭谷亭南鳥鼠山躡注引地說曰鳥鼠山同穴之枝榦也渭水出其中東北流過同穴枝閒是以鳥鼠同穴為二山與地理志異元和郡縣志渭川渭源縣鳥鼠山一名青雀山在縣西七十六里渭水所出有三源竝下澧涇漆沮竝詳雍州水經渭水又東逕槐里縣故城南又東合甘水又東豐水從南來注之又云又東與高陵分水又東逕平阿侯王譚墓北左則涇水注焉說文漆水出右扶風杜陵岐山東入渭一曰入洛地理志沮水出北地直路縣西東入洛洛水至馮翊襄德縣東南入渭是漆沮合洛入渭故關駟即洛水為漆沮之水其實禹貢豫有洛雍無洛雍之名洛始于周禮職方故經不言也地理志渭水至船司空入河

導洛自熊耳。又東會于瀍澗。又東會于伊。又東北入于河。

地理志禹貢洛水出宏農上雒縣冢領山東北至鞏入河熊耳獲輿山在東北元和郡縣志熊耳山在盧氏縣東五十里水經注洛水東與獲水合又東逕熊耳山北又東逕盧氏縣南是熊耳非洛之源乃禹功之所自施也瀍澗伊竝詳豫州水經注引地記曰洛水東北過五零倍尾與瀍澗合是二水東入千金渠故瀆存焉又云洛水自河南縣南又東逕洛陽縣南伊水從西來注之

九州攸同。

祭法共工氏之伯九州也其子曰后土能平九州故祀以為社韋昭云共工氏伯者在戲農之間管子神農作殖五穀九州之民乃知穀食釋文引周公藏錄曰黃帝受命風后授圖割地播

九州帝王世紀曰：顓頊帝讐建萬國而制九州，是州分爲九，自羲農以迄帝堯，竝同其州名與疆域，容或有異，故曰：割曰制也。攸同正義云：水土既治，天下大同也。

四隩既宅。

釋曰：隩隈，厓內爲隩，外爲隈。李巡注：厓內近水爲隩，史記漢書竝作隩。釋言宅，居也。厓內近水者皆可居，則天下無不平治之水土矣。

九山刊旅。

周禮大宗伯國有大故則旅，上帝及四望，鄭注：故謂凶莪，旅陳也。陳其祭事以祈焉。禮不如祀之備也。胡氏曰：刊者，隨山之事。旅者，告祭之名。

九川滌源。

呂氏曰：滌源，水平而復疏滌，其源爲經久計也。金氏曰：九州之川不曰通流而曰滌源者，此所

謂濬畎澮距川則田里無水潦壅塞之患也

九澤既陂

陳風彼澤之陂毛傳陂澤障也呂氏曰凡治水不出兩端川流畎澮轉相入以達于海所以使之有所歸也或遠而不達則捐數百里之地以為澤所以使之有所容也

四海會同

釋地九夷八狄七戎六蠻謂之四海張氏曰水患既去非特九州之民往來無阻即蠻夷戎狄亦皆會同于京師矣

六府孔修

左傳文七年卻缺曰水火金木土穀謂之六府孔修若左傳昭二十九年蔡墨曰五行之官不

失職也

庶土交正。底慎財賦。咸則三壤。成賦中邦。

正當讀如征。周禮大司徒制天下之地。征是也。庶土交征。若周禮大宰以九賦斂財。賄一曰邦中之賦。二曰邦郊之賦。三曰邦甸之賦。四曰邦甸之賦。五曰邦縣之賦。六曰邦都之賦。七曰關市之賦。八曰山澤之賦。九曰幣餘之賦也。釋言底致也。底慎財賦。若周禮大宰以九式均節財用。一曰祭祀之式。二曰賓客之式。三曰喪荒之式。四曰羞服之式。五曰工事之式。六曰幣帛之式。七曰芻秣之式。八曰匪頒之式。九曰好用之式也。說文則等畫物也。鄭注三壤。上中下各三等也。咸則三壤。若周禮大司徒以土均之。灋辨五物九等也。蘇氏曰九州各則其壤之高下。以制國用。為賦入之多少。中邦諸夏也。貢篚有及于四夷者。賦止及于諸夏也。

錫土姓。祗台德先。不距朕行。

錫土姓者。周語云。賜禹姓曰姒。氏曰有夏。胙四岳國。命為侯伯。賜姓曰姜。氏曰有呂。史記契封

于商錫姓子稷封于帥錫姓姬是也金氏曰水土既平田制既定于是修封建之法各使守之錫土者賞其功勞定其限制也錫姓者表其勳德輯其分族也封建之來固久經洪水之患則限制多不明有水土之功則庸勞所宜賞此所以修封建之制也當時堯舜在上封建雖非禹所專而實出禹所畫所謂弼成五服者此章以下是也釋詁祗敬也台古怡省釋詁怡樂也鄭注天子建其國諸侯胙之土賜之姓命之氏其敬悅天子之德既先又不距違我天子政教所行

五百里甸服百里賦納總二百里納銍二百里納
 積服四百里粟五百里米

孔傳規方千里之內謂之甸服為天子服治田去王城四面五百里鄭注百里賦入總謂入所刈禾也二百里銍銍謂刈穗斷去稾也三百里積積謂禾又去其穎惟稾積也四百里粟五百

里米遠彌輕也王氏曰服者納秸而服輸將之事也金氏曰服獨在三百里者蓋酌五百里之中爲轉輸粟米之賦也故四百五百里不言納正義既言法壤成賦更敘彌成五服之事甸侯綏要荒五服之名堯之舊制洪水既平禹乃爲之節文使賦役有恆職掌分定

五百里侯服 百里采 二百里男 邦 三百里諸侯

釋詁侯君也蘇氏曰此五百里始有諸侯故名侯服也禮運諸侯有國以處其子孫大夫有采以處其子孫漢書刑法志師古注采官也因官食地故曰采王制千里之內曰甸千里之外曰采曰流采卽百里采流卽二百里流也舉采流以包侯綏要荒四服此卽禹貢之制度殷人因之至周始于王畿千里之外析四服爲八服各五百里而益之以藩服是爲九服又移采地于畿內耳蘇氏曰男邦小國也諸侯大國次國也小國在內依天子而大國在外以禦侮也

五百里綏服 三百里揆文教 二百里奮武衛

孔傳綏安也安服王者政教揆度也度王者文
教而行之奮武衛天子所以安金氏曰內三百
里揆文教所以接華夏之教以撫要荒外二百
里奮武衛所以禦要荒之變以安華夏

五百里要服三百里夷二百里蔡

正義要者約束之義金氏曰要約也其地遠于
畿甸雜于夷狄雖州牧侯伯為之控制而其文
法則畧于中國矣釋詁夷易也謂其民多簡易
也蔡當從吳氏讀為蔡說文蔡散之也左傳昭
元年太叔曰周公殺管叔而蔡蔡叔杜注蔡放
也釋文上蔡音素葛反說文作蔡音同張參五
經文字云蔡春秋多借為蔡是蔡者謂其民多
放散也

五百里荒服三百里蠻二百里流

孔傳要服外之五百里言荒又簡畧金氏曰四
遠蠻夷之地田野不井人民不多故謂之荒所
以經畧之者又簡于要服矣王注蠻慢也謂其
民多簡慢也孔傳流移也謂其民多流移也

東漸于海。西被于流沙。朔南暨聲教。訖于四海。禹錫玄圭。告厥成功。

鄭注。朔。北方也。南。北不言所至。容踰之。史記言。顓頊之地。北至幽陵。南至交趾。西至流沙。東至蟠木。其稱禹功。則言南。撫交趾。北。戶西析枝。渠廋。氏羌。北山戎。息慎。東。長夷。鳥夷。四海之內。咸戴帝舜之功。蓋南北長于東西也。聲教屬上。爲句。漢書賈捐之曰。西北被流沙。東漸于海。朔南暨聲教。晉書地理志。夏后氏東漸于海。西被于流沙。南浮于江。而朔南暨聲教。文選。李善注。亦引書。朔南暨聲教。是漢魏人皆屬上讀也。錫如九江。納錫之。錫璠璣。鈴云。禹開龍門。導積石。元圭出。刻曰。延喜玉。受德天賜。佩是元圭。天所錫禹。因貢于堯。以告成功也。益卦有孚。中行告公用圭。是古者臣之告君有用圭者。

尚書證義

平湖周用錫述

甘誓

大戰于甘。乃召六卿。

地理志右扶風鄠縣古國有扈谷亭扈夏啓所
伐水經注渭水自槐里縣故城南又東合甘水
水出南山甘谷北通甘亭西在水東鄠縣昔夏
啓伐有扈作誓于是亭鄭注天子之兵故曰大
六卿六軍之將周禮六軍將皆命卿則三代同
矣

王曰：嗟！六事之人，予誓告汝。

鄭注：變六卿言六事之人者，言軍吏下及士卒
也。曲禮：約信曰誓。周禮大司寇：誓用之于軍旅。

有扈氏威侮五行，怠棄三正，天用勦絕其命。今予

惟恭行天之罰。

左傳昭六年趙孟曰夏有觀扈商有姚邲史記夏本紀禹為姁姓其後分封用國為姓有有扈氏鄭注有扈與夏同姓五行四時盛德所行之政也威侮暴逆之三正天地人之正道釋文勦馬本作巢蓋古文省說文引夏書曰天用勦絕其命云絕也音義同

左不攻于左汝不恭命右不攻于右汝不恭命御非其馬之正汝不恭命。

鄭注左車左右車右正義云歷言左右及御此三人在一車之上也此謂凡常兵車甲士三人所主如此若將之兵車則御者在左勇力之士在右將居鼓下在中央主擊鼓與軍人為節度左傳成二年晉伐齊解張御郤克鄭丘緩為右郤克傷于矢未絕鼓音是也

用命賞于祖不用命戮于社予則孥戮汝。

說文祖始廟也。曾子問孔子曰：天子巡狩以遷
廟之主，行載于齊車，言必有尊也。左傳定四年
君以軍行，祓社，釁鼓，祝奉以從。是天子親出，必
載遷廟之祖主及社主以行也。